

南京中医药大学图书馆

编号 11-185 $\frac{8}{8}$



中華民國九年五月初版

裝訂八冊

價洋二元

此書
有著
作權
不准
翻印

編著者

宋瀉熙陳言

評註者

閩中吳錫璜

印刷者

上海文瑞樓書莊

發行者

上海文瑞樓書莊

分發行者

蘓州綠蔭書莊

總發行所

上海棋盤街

文瑞樓書莊



北京中醫藥大學圖書館所有

上海棋盤街瑞文樓書籍廣告

醫學之巨著 聖濟總錄

聖濟總錄一書為宋政和奉勅撰刊頒行天下奉為金科玉律久已著為令典書凡二百餘卷文二百萬言論簡而精方博而要凡食治鍼灸湯醴漬浴按摩熨引導引砭石無不兼綜條貫傷寒吐血肺癆兒科婦科外科尤為特色洵我國數十年來獨一無二之巨著十三科醫學最完全明備之書惜靖康之變板燬無存清命陳林購求殘表僅得三本四庫全書收載纂要指以未覩原書為憾則其書寶貴可知本莊以是書為我國國粹學特不惜重貲覓之數年始得元大德四年集賢學士焦養直所刻本亟付石印以餉醫界吾國醫學雖非由科學而來而經驗之宏藥品之多為五洲冠是書包羅富有於治病各科有條不紊醫學家得此書而習之不難窮源竟委為原原本本之學本莊又請現代閩中儒醫吳黼堂先生詳加校勘用上等中國連史紙精印裝訂六十冊定價洋二十八元

本莊歷年

吳黼堂評註 陳無擇三因方

精印宋淳熙陳言著三因極一病證方論分為十八卷其說分為三因一內因一外因一不內外因也四庫全書稱為條理分明方論簡要為世推重久之刊行醫學家往往以善價覓求而不易覩閩中吳黼堂先生又以中東西學說隨各門逐條評註氣化形質闡發入微為醫門別開生面又於古人不治症補經驗方法洵醫林精本也本莊覓得家藏抄本用上等中國連史紙精繕石印有志中西醫學者幸望先觀為快馬裝訂八冊定價二元

分發行所 蘇州閭門中市綠蔭堂

三因極一病源論粹方卷之十七

婦人論

夫天地造端於夫婦。乾坤配合於陰陽。雖清濁動靜之不同。而成象數法之有類。原茲婦人之病。與男子不同者。亦有數焉。古方以婦人病。比男子十倍難治。不亦言之深乎。但三十六病。產蓐一門。男子無之。其外傷風暑寒濕。內積喜怒憂思。飲食房勞。虛實寒熱。悉與丈夫一同也。依源治療。安可不得而知之。

求子論

夫有夫婦。則有父子。婚姻之後。必求嗣續。故聖人謂不孝有三。無後為大。言嗣續之至重也。凡欲求子。當先察夫妻有無勞傷。痼害之屬。依方調治。使內外和平。則夫婦樂有子矣。

溫胞湯 治婦人立身以來。全不產育。及斷緒久不產三十年者。

朴硝 大黃蒸 歸身 桃仁炮去皮 牡丹皮各半 細辛去苗

厚朴去皮薑汁炒 桂心去皮 赤芍 桔梗 人參 茯苓 炙草

牛膝酒浸 陳皮各三錢 附子炮去皮 蛇虫去嘴翅勿炒焦 水蛭勿炒

右以咀。每服四大錢。水酒各盞半。煎取六分。去滓空心服。日三夜

一。溫覆得少汗。血必下。積血及冷赤膿如小豈汁。斟酌下盡。若力

弱。大困不堪者。只一服止。然恐惡物不盡。不得藥力。能盡服至好。

不爾。着坐導藥。

坐導藥 治全不產及斷緒服前盪胞湯惡物不盡用此方

皂角去皮子淨 吳茱萸 當歸各一兩 細辛去苗 五味子

炮薑炮各二兩 大黃蒸 礬石枯 戎鹽 蜀椒各半

右為末。以絹袋盛。大如指。長三寸餘。盛藥滿。縛定。納婦人陰中。坐

卧任意。勿行走。小便時去之。更安。一日一度。易新者。以下青黃冷

汁汁盡止。若未見病出者。可十日安之。本為子宮有冷惡物。故令無子。值天陰冷。則發疼痛。須候病出盡方已。不可中輟。每日早晚用益菜煎湯熏洗。

秦桂丸 治婦人無子。昔金城范守進此方。見經驗。

秦艽 桂心 杜仲 去皮薑汁炒淨絲 厚朴 去皮薑炒 防風 附子 生去

茯苓 各兩半 白薇 乾薑 炮 牛膝 酒浸 沙參 半夏 炮各兩半

人參 一兩 細辛 去苗一分

右為末。煉蜜丸。赤豆大。每服五十丸。食前溫酒醋湯下。未效更加

丸數。覺有胎則止。神效如彼說。不繁引。

探胞湯 斷經三月。不知是胎。驗之之方。

川芎。不拘多少為末。濃煎艾湯調二丸空心服。微動是有胎。

脉例

經云。陰搏陽別。謂之有子。搏者近也。陰脉逼近於下。陽脉別出於上。陰中見陽。乃知陽施陰化。法當有子。又少陰脉動甚者。妊子也。手少陰屬心。足少陰屬腎。心主血。腎主精。精血交會。適投于其間。則有娠。又三部脉浮沉正等。無病有妊也。餘並如脉經說。

惡阻

婦人中脘宿有風冷。痰飲經脈不行。飲與痰搏。多善病阻。其狀顏色如故。脉理順時。不知病之所在。但覺四肢沉重。頭目眩暈。惡聞食臭。喜啖醎酸。至四月則大劇吐逆。不勝自持。多卧少起。此由經血既閉。水漬於臍。藏氣不得宣通。頭目瞤悶。經脉秘滯。使四肢沉重。挾風則頭目眩暈。留飲則嘔吐無時。

竹茹湯 治妊娠擇食。嘔吐頭疼。顛倒痰逆。四肢不和。煩悶。

人參

橘皮

麥冬

去心

白朮

各一兩

炙草

一分

茯苓

厚朴

薑製各半兩

右以咀。每服四大錢。水盞半。薑五片。竹茹一團如指大。同煎去滓。空心服。

半夏茯苓湯

治妊娠惡阻。心中憤悶。頭目眩暈。四肢怠惰。百節煩

疼。痰逆嘔吐。嫌聞食氣。好啖醎酸。多卧少起。不進飲食。

半夏

炮三兩

茯苓

熟地

炙各一兩

陳皮

細辛

蘇葉

川芎

人參

芍藥

桔梗

甘草

各一兩二

右以咀。每服四大錢。水二盞。薑七片。煎七分。去滓。空心服。有客熱

煩渴。口生瘡者。去陳皮。細辛。加前胡。知母。服。冷下利者。去地黃。加

桂心。

炒

胃中虛熱。大便秘。小便澀。加大黃二兩八錢。去地黃。加黃

芩六錢。

茯苓丸

治妊娠阻病。心中煩悶。頭目暈重。憎聞飲食。氣滯嘔逆。吐



悶顛倒。四肢重弱。不自勝持。服之即效。要先服半夏茯苓湯兩劑。後可服此藥。

茯苓

人參

桂心

炒

乾薑

半夏

泡製

陳皮

各一兩

白朮

葛根

枳實

炒麴

炙草

各二兩

右為末。蜜丸。桐子大。每服三五十丸。米飲下。日三服。

小地黃丸

治姙娠酸心。吐清水。腹痛不能食。

人參

乾薑

炮等分

右為末。用生地汁。丸如桐子大。每服五十丸。米湯下。空心服。

吳鞠堂曰。惡阻由懷孕後。經事不行。機能障礙。反射胃之迷走神經而起。我國醫學家。每謂喜病無關性命。不知病之重者。嘔吐日甚。衰弱漸加。體重日減。起卒中饑餓性謔妄。視力減弱。聽覺阻礙。馴致瀕於死亡。此症輕者不藥可愈。重者宜速理之。三因所列各



方有驗有不驗。黼堂另有婦科學容後續出。

養胎大論

夫養胎須分所能。母為能養。子為所養。名義既殊。致養亦別。故為之重身。父母交會之初。子假父母精血。投識於其間。然後成妊。元氣資始之謂也。一月血聚。謂之始胚。二月精凝。謂之始膏。三月成形。謂之始胎。亦無中之次第也。道生一。一生二。二生三。三生萬物。既以三而成形。故不得不數月而分也。成形之後。陰陽化施。男女始分。故見外象而有感於內。四月始受少陰君火氣以養精。五月受太陰濕土氣以養肉。六月受少陽相火氣以養氣。七月受陽明金氣以養皮。八月受太陽水氣以養血。九月受厥陰木氣以養筋。十月藏府俱備。神明已全。待時而生。此皆所以養胎息之成始成終也。若能養者。惟在乃母。依經所載。隨時養之。無妄服食鍼灸勞佚等。不特傷胎。亦能自傷。

不可不備學也。為保子母。尤宜熟識之。謹備列母之能養及避忌諸法以繼於後。

避忌法

一月足厥陰脈養。內屬於肝。肝藏血。不可縱慾及疲極筋力。併冒觸邪風。亦不可妄針灸其經。二月足少陽脈養。內屬於肝。胆合於肝。其榮於血。不可驚動。及針灸其經。三月手心主脈養。內屬右腎。腎主精。不可縱慾及悲哀。並觸冒寒冷。亦不得針灸其經。四月手少陽脈養。內屬三焦。三焦精府。合腎以養精。不可勞逸。及針灸其經。五月足太陰脈養。內屬脾。脾養肉。不可妄思。及饑飽觸冒卑濕。亦不可鍼灸其經。六月足陽明脈養。內屬於胃。胃為藏府海。合於脾以養肉。不得褻食鍼灸其經。七月手太陰脈養。內屬於肺。肺以養皮毛。不可憂鬱。及叫呼觸冒煩燥。亦不可鍼灸其經。八月手陽明脈養。內屬大腸。合肺以

養氣毋食燥物致氣滯及不得針灸其經九月足少陰脉養內屬腎以養骨不可懷恐及房勞觸冒生冷亦不得鍼灸其經十月足太陽脉養內屬膀胱以合腎太陽為諸陽主氣故使兒脉續綫皆成六府通暢與母分氣神氣各全俟辰而生唯不說手少陰心養者蓋心為五藏大主如帝王不可有為也若將理得宜無傷胎臟更能知轉男胎教之法斯為盡善叙列於後

轉女為男法

論曰陽施陰化所以有姙遇三陰所會多生女子但懷娠三月名曰始胎血脉不流象形而變是時男女未定故令於三月未滿間服藥方術轉合男生也其法以斧置姙婦床下繫及向下勿令人知恐不信者令雞抱卵時依此置窠下一窠盡出雄雞此雖未試亦不可不知凡受胎三月逐物變化故古人立胎教能令生子良善長壽忠孝

仁義聰明無疾。蓋須十月之內。常見好境界。無近邪僻。真良教也。如有觸忤傷胎。各有法。據徐之才逐月養胎安胎等法。備則備矣。事煩少用。故不暇錄。識者當自閱。今出安胎方如後。

安胎飲 治妊娠胎寒腹痛。或胎熱多驚。舉重腰痛。腹滿胞急。卒有

所下。或頓仆閃肭。飲食毒物。或感時疾。寒熱往來。致傷胎氣。

枳壳炒

川芎

各半

熟地三兩

糯米二合

右㕮咀。每服四大錢。水一盞半。薑五片。棗一枚。以金銀少許同煎。

七分。空心服。

白朮散 治妊娠宿有風冷。胎痿不長。或失於將理。動傷胎氣。多致

損墜。常服保護胎藏。

白朮

川芎

各四兩

川椒

去合口及因炒出汗三兩

牡蠣

煨粉二兩

右為末。每服二錢。溫酒米湯任下。腹痛加白芍。心下毒痛加川芎。

心煩嘔吐。加細辛一兩。半夏二十粒。湯泡入。內若渴者。以大麥汁調服。病雖愈。盡服勿置。味惡多阻人。宜作丸服。亦治室女帶下諸疾。

單胎散

治妊娠傷寒大熱。悶亂燥渴。恐傷胎藏。

捲荷葉

嫩者焙乾一兩

蚌粉花

半兩

右為末。每服二錢。入蜜少許。新汲水調下。空心服。

吳黼堂曰。轉女為男。斷無此理。古拙之說。非科學中應有之義。漏阻例。

懷妊全假經血以養胎。忽因事驚奔。或從高墜下。頓仆失據。或冒涉風寒。觸忤邪祟。致暴下血。胎乾不動。上奔搶心。腹中急逼。或血逆口出。皆傷胎症也。

膠艾湯

治妊娠不問月數深淺。因頓仆胎動不安。腰痛。或有所下。



南京中醫藥大學圖書館

或胎奔上搶短氣安胎

熟地

二兩

艾葉

炒

當歸

炙草

芍藥

川芎

阿膠

炒

黃芪

各一兩

右以咀每服四錢水一盞煎七分去滓空心溫服胸中逆冷加生薑五片棗三枚同煎

芩根湯

治胎無故血下腹痛不可忍或下黃汁如漆如小豆汁者

野苧根

二兩剉炒

金銀

各一兩

右為一劑水酒各一盞煎至一盞去滓分二服無時

桂枝茯苓丸

治婦人宿有癥瘕妊娠經斷未及三月即動此癥也

經斷三月而得漏下不止胎動在臍上者為癥痼害當去其癥又論云妊娠六月動者前三月經利時胎下血者後斷三月衄血也所以下血不止者其癥不去故也當下其癥



桂心

焙不

茯苓

丹皮

桃仁

去皮去

芍藥

等

右為末。煉蜜丸如彈子大。每服一丸。嚼細溫酒米湯任下。空心服。
千金保生丸 養胎益血。安和子藏。治妊娠將理失宜。或勞逸胎動。
不安。腰腹痛重。胞阻漏胎。惡露時下。子藏挾邪。久不成胎。或受妊。
不能固養。痿躁不長。過年不產。日月雖滿。轉動無力。或臨產節適。
乖宜。驚動太早。產時未至。惡露先下。胎胞枯燥。致令產難。或橫或。
逆。痛極悶亂。連日不產。子死腹中。腹上冰冷。口唇青黑。吐出冷沫。
新產惡血上冲。運悶不省。喘促汗出。及瘀血未盡。臍腹疔痛。寒熱。
往來。或因產勞損虛羸未復。面黃體瘦。心怔盜汗。飲食不進。漸成。
蓐勞。入月常服。滋養血氣。和調陰陽。蜜漿理實藏府。治風虛除痼。
冷。或致損墜。

炙草

貝母

秦椒

去目炒

乾薑

炮

桂心

黃芩

石斛

根去

石膏煨

糯米

大豆捲

炒各一分

當歸

酒浸一宿微炒半兩

麻子仁

別研

右為末。蜜丸。彈子大。每服一丸。溫酒棗湯任下。細嚼空心服。

子煩証治

竹葉湯 治妊娠苦煩悶者。以四月受少陰君火氣以養精。六月受

少陽相火氣以養氣。若母心驚胆寒。多好煩悶。名子煩。

防風去

黃芩

麥冬

去心各三兩

白茯苓

四兩

右㕮咀。每服四錢。水一盞半。竹葉十數片。煎七分。去滓溫服。

腹痛下利治法

當歸芍藥散 治妊娠腹中絞痛。心下急滿。及產後血暈。內虛氣乏。

崩中久利。常服通暢血脉。不生瘰癧。消痰養胃。明目益津。

白芍

八兩

當歸

茯苓

白朮

各二兩

澤瀉

四兩

川芎

四兩半

右為末。每服二錢。溫酒調下。空心服。元和記調經云。本六氣經。



南京中医药大学图书馆